

諭旨

戊申正月全

上諭朕欽奉慈禧端佑康頤昭豫莊誠壽恭欽獻崇熙 皇太后懿旨醇親王載灃大學士世績外務部尚書袁世凱加恩均著賞在西苑門內乘坐二人肩輿欽此○上諭醇親王載灃補授軍機大臣欽此 正月初一日

上諭上年順天直隸各屬被災地方業經頒發帑銀分別蠲緩糧租小民諒可不至失所惟念今春青黃不接之時民力未免拮据加恩著將被災歉收之通州等州縣廳各村莊應徵本年春賦地丁錢糧等項並原緩光緒二十三年及節年地丁錢糧等項分別等差至本年麥後及秋後啓徵其坐落武清天津二縣地方之津軍廳葦漁課納糧地畝並歸入該二縣災歉村莊一律辦理以紓民力該署督即按照原奏開明詳細數目刊刻謄黃徧行曉諭務使實惠均沾毋任吏胥舞弊用副朝廷履端布闕嘉惠畿疆之至意該部即遵諭行欽此 初二日

上諭上年山東被災各州縣業經分別蠲緩錢漕小民諒可不至失所惟念今春青黃不接之時民力未免拮据加恩著將被災之濟甯等州縣各村莊應徵本年上忙錢漕租課等項均分別緩至本年麥後及秋後啟徵其坐落該州縣境內之寄莊電課與裁併衛所並水利等場均隨同民田一律辦理以紓民力該署撫即按照單開詳細數目刊刻謄黃徧行曉諭務使實惠均沾毋任吏胥舞弊用副朝廷始和布澤惠愛羣黎之至意該部即遵諭行欽此 初四日

上諭林紹年奏特參庸劣不職各員一摺河南候補道洪澤孫嗜賭耽嬉玩誤公事候補知府宋承麟顛預陰很貽誤滋多試用通判陳壽樟品行卑污人羞與伍分省通判董頤詭譎嗜利膽大妄為臨穎縣知縣章炳燾貪贖無厭聲名狼藉汝陽縣知縣張心泰遇案科罰民怨滋深息縣知縣孔繁潔善於鑽營聲名甚劣林縣知縣廖學沂聽斷失平居心難問

諭旨

九

戊申

汲縣知縣潘毓岱縱丁滋擾品節尤虧署洛陽縣知縣胡金淦嗜好甚深操守難信分缺先知縣恩麟品行卑濁才識昏庸候補知縣周榮豫心術險詐嘖有煩言候補知縣金昆凡庸鮮恥衆議不容趙元忠侵沒學款廉恥毫無太康縣教諭呂萬源行止不檢濬縣教諭張霖持躬不謹開封府照磨成壽麟品行不端署永城縣典史劉士燮聲名平常補用副將王殿魁利心甚重補用守備馬永德藉差滋擾候補守備馬文鑾聲名素劣均著即行革職試用道楊恩慶溺於嗜好才具亦庸懷慶府知府李廷瑞事理不明聲名尤遜孟津縣知縣田務本墮壞學務心性粗浮內鄉縣知縣董駿聲朋比爲非不知自愛太康縣知縣夏聯鈺敷衍因循難期振作試用知縣張鴻森舉止輕浮不知檢束陳留縣教諭徐之瀛通許縣訓導郭保忠均耽於嗜好衛輝府經歷戴鴻猷年力衰頹洧川縣典史程端楡官親用事均著原品休致彰衛懷道馮光元優柔寬縱口不在公汝州直隸州知州松序心地糊塗案多謬誤陳州府通判韓炳性頗喜事嗜好尤深均著開缺回籍汝甯府知府羅維垣謹飭有餘才力過弱著開缺另補餘著照所議辦理該部知道欽此○上諭岑春煊奏查明南洲等廳州縣被水受旱請分別蠲緩遞緩錢糧蘆課等項一摺湖南去年夏秋間南洲澧州安鄉等廳州縣湖河泛漲低窪田畝悉被淹沒濱湖地垆間被沖潰高阜田禾入夏被旱收成均形歉薄若將應徵錢漕蘆課等項照常徵收民力實有未逮加恩著照所請所有南洲澧州安鄉等廳州縣均著按照被災輕重情形將應徵錢漕蘆課等項分別蠲緩遞緩以紓民力該撫即將所開詳細數目刊刻謄黃徧行曉諭務使實惠及民毋任吏胥舞弊用副朝廷軫念民艱之至意餘著照所議辦理該部知道欽此 初六日

上諭河南彰衛懷道員缺著石庚補授欽此○上諭河南開封府知府員缺緊要著該撫於通省知府內揀員調補所遺員缺著陶福同補授欽此○上諭河南汝甯府知府員缺著李兆珍補授欽此 初七日

上諭馮汝駉奏者紳鄉舉重逢請旨加恩一摺開缺大學士王文韶早年登科數歷中外晉贊綸扉前因年老准其開缺回籍現屆該大學士鄉舉之年適周花甲洵屬藝林盛事加恩著賞給太子太保銜以惠耆臣欽此○上諭端方等奏江甯等屬秋禾被災請將新舊錢糧分別蠲緩一摺江蘇江甯等屬上年入夏亢旱秋後連得大雨湖河泛漲田禾多被淹沒復受風災收成歉薄若將新舊錢糧照常徵收民力實有未逮加恩著照所請所有上元等二十六州縣廳同廳安等四衛歸併各州縣經徵被災田地及未墾荒田營壘廢廢各田應徵三十三年地丁錢糧均著分別蠲緩其上元等州縣應衛節年未完原緩遞緩各款均著分別展緩常徵以紓民力該督撫卽照所奏詳細開明區圖村莊頃畝數目刊刻謄黃徧行曉諭務使實惠均沾毋任吏胥舞弊用副朝廷軫念民艱至意餘著照所議辦理該部知道欽此○上諭端方等奏江甯等屬秋禾被災請分別蠲緩漕糧一摺江蘇江甯等屬上年入夏以來亢旱日久秋後連遭大雨收成歉薄應徵新漕若令照常完納民力實有未逮加恩著照所請所有上元等五縣歉收田地及山陽等二十五州縣勘不成災田地應徵上年漕糧及改徵折色銀兩均著分別蠲緩帶徵其上元等五縣未墾荒田同江都縣及揚州衛營壘廢廢民地除墾熟啓徵外其餘坍荒地畝應徵漕糧米石並折色銀兩著仍予蠲免以紓民力餘著照所議辦理該督等卽照所奏詳細開明區圖村莊頃畝及應行蠲緩細數刊刻謄黃徧行曉諭務使實惠均沾無任吏胥舞弊用副朝廷軫念民艱至意該部知道欽此○上諭端方等奏蘇州等屬秋收歉薄請將應徵錢漕分別蠲減緩徵一摺江蘇蘇州等屬上年自春徂夏雨澤愆期秋後復連遭雷雨通省收成均形歉薄若將應徵錢糧照常徵收民力實有未逮加恩著照所請所有長洲等二十八廳州縣拋荒坵廢等田銀米常熟等二縣被淹無收田銀米青浦等四州縣被淹未種田銀米陽湖縣被淹歉收田上忙條銀崑山等二縣拋荒蘆價田條銀江陰縣展緩三十年新墾田銀米靖江等二縣被歉無收蘆田課銀著一

併獨免寬山等縣歉收田條銀漕米各等項均著分別減免以紓民力餘著照所議辦理該督等卽照所奏詳細開明區圖村莊頃畝及應行蠲免細數刊刻謄黃徧行曉諭務使實惠均沾母任吏胥舞弊用副朝廷軫念民艱至意該部知道欽此 初八日

上諭福建督糧道員缺著張星炳補授欽此○上諭福建福州府知府員缺緊要著該督於通省知府內揀員調補所遺員缺著智格補授欽此○旨蘇州織造著械興去欽此○上諭馮汝駮奏查明杭州等府所屬各場未墾竈蕩田地請蠲免竈課錢糧一摺杭州嘉興松江各場所屬荒蕪竈蕩墾復無多若將應徵竈課錢糧照常徵收竈力實有未逮加恩著照所請所有仁和海沙鮑郎蘆漚橫浦浦東等場荒蕪未墾竈蕩應徵上年竈課錢糧准其全行蠲免以紓竈力餘著照所議辦理該撫卽刊刻謄黃徧行曉諭務使實惠均沾母任吏胥舞弊用副朝廷軫念民艱之至意該部知道欽此 初九日

上諭開缺山西巡撫胡聘之前在巡撫任內昏謬妄爲貽誤地方著卽行革職其隨同辦事之江蘇候補道賈景仁已革職知府劉鶚膽大貪劣狼狽爲奸賈景仁著革職永不敘用劉鶚著一併永不敘用以示薄懲欽此○上諭瑞良奏查明江西上年被災各屬分別緩徵遲緩新舊錢漕等項開單呈覽一摺江西西南昌等府各屬上年春夏之交雨水過多五六月間又患亢旱被災情形輕重不同收成均甚歉薄若將應徵新舊錢漕等項照常徵收民力實有未逮加恩著照所請所有勘實被災新建等縣並九江府同知所轄之南九二衛及勘未成災民困未蘇之南昌等廳縣並安義寄莊建昌等縣均著將應徵新舊錢漕蘆課屯餘分別緩徵遲緩以紓民力該撫卽按照原單所開各廳縣村莊頃畝分數暨應銀兩米石各數刊刻謄黃徧行曉諭務使實惠均沾母任吏胥舞弊用副朝廷軫念民艱至意該部知道欽此○諭旨近來

紗布進口日益增多實爲漏卮之第一大宗民間織紡漸至失業固由工作之未精尤因種植之不善利源外溢何所底止查美洲等處棉花種類精良莖葉高大花實肥碩所出之絨細軟而長織成之布滑澤柔軟勝於內地所產數倍皆由外國農業家於辨別種類審度土性燥溼考驗精詳故能地產日精商利日厚中國棉花質性較遜於外國種植又不講求南北各省間有數處所產較勝而種植仍多鹵莽是必須博求外國嘉種采取培養良法料美工精自能廣行各省保全利權著農工商部詳細考查各國棉花種類種植成法分別採擇編集圖說並優定獎勵種植章程頒行各省由該省督撫等督率認真提倡設法改良其果能改良之棉花紗布經過各關卡應如何優加體恤並著稅務處妥籌辦理以資暢銷該部未經頒章以前著各省督撫先行體察該省情形勸諭商民實力籌辦或選擇官地試種或集股設立公司多方鼓舞所屬地方官及紳商如有切實創辦早著成效應令將所產棉花送部查驗准其奏請優獎此乃興利急務勿得視爲具文致負朝廷振興農務惠民生之至意欽此 十一

上諭湖北提學使著高凌霨補授欽此 十二日

上諭京師人煙稠密食戶孔多食用物價稍涉昂貴小民生計立形困難近日銀價陡漲物價因亦增高嗟我黎庶其何以堪著度支部迅即撥銀五十萬兩發交順天府府尹承領即責成該府尹妥擇官紳銀號代爲賤價收錢以平銀價一面嚴禁各商肆任意擡高物價其有私運大宗銅元入京者由崇文門監督郵傳部認真查禁倘有奸民私鑄銅元濫銷充斥著責成民政部直隸總督順天府步軍統領嚴密查拿盡法懲治俟銀價物價皆平由該府尹將承領銀兩解繳部庫其賤價虧耗之款准其核實開單奏銷尚書陳璧前在府尹任內辦理銀錢平瀆尚屬得法並著該尚書會同府尹妥籌辦理務使操縱得法國幣不至虛糜以副朝廷體恤民困之至意欽此 ○諭旨 以制錢缺乏各省鼓鑄當十銅元以

期相輔而行乃近來銅元益多制錢益少銅元一枚不足抵制錢十文之用而奸商折扣盤剝頗足爲害市面且小民因制錢太少零星日用諸多不便當各省鼓鑄之始原期准作十文與制錢兩無軒輊而錢少元多遂至錢貴元賤不但物價騰漲大礙小民生計抑且鑄本日虧並足損餉源自非鑄用一文之錢令一文本位常存不足以顯銅元當十之數保銅元行銷之利前年湖北廣東等省曾鑄一文新錢經度支部議奏通行而各省搭鑄一文新錢者仍不多見蓋由於鑄造一文新錢成本較重不免稍有虧耗然以鑄當十銅元餘利酌量提補虧耗尙不至無著所失無多所全甚大著度支部通行各省廠凡鑄當十銅元必須於定額之外加鑄三成一文新錢以資補救其形式重量銅質鑄本均須預爲核算妥爲配合又必須與當十銅元工料成本大致相準則兌換價值銅元一枚必當新鑄制錢十文庶利推行而資信用至此項一文新錢或宜黃銅或宜紫銅或宜有孔或宜無孔並著該部詳晰考校悉心釐定迅速奏聞務期子母相權大小相維以便民生而正國法欽此 十三日

上諭二月初二日祭 社稷壇朕親詣行禮欽此○旨烏珍著調補正藍旗滿洲副都統所遺廂紅旗蒙古副都統著瑞豐補授欽此○上諭趙爾豐奏考查地方各員分別舉劾一摺四川鹽茶道黃承暄永甯道趙藩川東道陳遜聲候補道丁昌燕潼川府知府吳保齡石柱廳同知董崇本太和鎮通判朱世鑰蒼溪縣知縣姜秉善太平縣知縣朱達綬據稱該九員均與論翕然治行可觀均著傳旨嘉獎候補通判吳長靖侵吞公田延抗不交著革職押案追繳維州協副將現著懋功協副將張連同糊塗妄爲幾釀事變試用通判李道根辦理釐金致釀事端高縣知縣周慶膺政事忽忽操守難信補用知縣周昌隆歐陽霖俱行止有虧不堪造就大甯縣知縣凌邦燮縱差擾民居心貪鄙試用鹽茶大使馮天爵辦事荒謬罔惜名譽清安性情乖戾不安本分石柱廳照磨張慎初擅受民詞教戒不悛試用縣丞方觀瀛藉事招搖婪索勒

取章樹滋行爲苟且幾釀命案候補典史葉樹森猥鄙纏訟不知自愛試用從九品鄭崇詩設局撞騙不知廉恥試用未入流於炳權心地糊塗行爲貪鄙均著卽行革職彭山縣知縣康壽桐差役朦蔽冥然罔覺試用知縣濮文蔚所收罰款抗不交出均著以府經歷丞降補捐升知縣賀恆工於舞弊違章收銀府經歷司徒琨激釀事端並不稟報均著以典史降補名山縣知縣李士則才力踈蹶新甯縣知縣德存性情柔懦巫山縣知縣梁鴻壽才欠開展并研縣知縣陳矩緝捕不力崇甯縣知縣蔣積文辦事迂緩內江縣知縣渠源淦不勝衝要均著開缺另補餘著照所議辦理該部知道欽此○旨楊鴻禮著開復原官原銜並銷去永不敘用字樣欽此 十四日

上諭沈曾植著補授安徽提學使並署理安徽布政使欽此 十五日

上諭徐世昌唐紹儀奏甄別屬員請旨懲儆一摺奉天前署遼陽州知州歐陽嘉鮮俊英貪很成性苛斂病民准補靖安縣知縣周士藻舉止浮躁不洽輿情前署寬甸縣知縣馬夢吉行止有虧操守難信署廣甯城守尉榮履貪縱無厭膽大妄爲左翼漢軍協領葆真詭詐嗜利巧於營私署廣甯縣典史呂震甲不知檢束屢次被控小凌河口口廣德文理不通不諳公事均著卽行革職餘著照所議辦理該部知道欽此○上諭安徽提學使著吳同甲補授欽此 十六日

上諭都察院御史陸寶忠既據陳明戒煙淨盡著回任供職欽此○上諭甘肅新疆巴里坤鎮總兵員缺著馬安良調補周玉魁著補授伊犁鎮總兵欽此 二十日

上諭札克丹著賞給委散秩大臣欽此 二十一日

上諭雲南布政使劉春霖著開缺來京另候簡用欽此○上諭雲南布政使著沈秉荪補授魏景桐著補授雲南按察使欽此○上諭雲南臨安開廣道員缺著高而謙補授欽此○上諭貴州威甯鎮總兵員缺著方致祥補授欽此 二十二日

諭旨

十六

二月

上諭昨日召見之翰林院侍講樊恭煦著以提學使交軍機處存記欽此二十三日

上諭禮部奏大員鄉舉重逢請旨加恩一摺前任吉林將軍銘安早年登第迭掌文衡嗣在吉林任內開缺回旗現屆該將軍鄉舉之年適周花甲洵屬科名盛事加恩著賞給太子少保銜以惠耆臣欽此○上諭丁槐著開缺來京另候簡用廣西提督著龍濟光署理欽此二十四日

上諭貝勒毓朗著加恩賞帶三眼花翎在御前行走鎮國公溥信著在乾清門行走欽此○上諭民政部左侍郎著袁樹勛補授欽此○上諭順天府府尹著凌福彭補授未到任以前著袁樹勛暫行兼署欽此○上諭直隸長蘆鹽運使著張鎮芳補授欽此○上諭廣東潮州府遺缺知府員缺著寶第補授欽此二十五日

上諭楊士驥奏已故提督戰功卓著懇恩賜恤一摺雲南提督夏辛酉早歲從戎隨同僧格林沁剿辦髮捻驍勇善戰所向有功嗣隨左宗棠轉戰關隴蕩平西域大小百數十戰靡役不從厥功尤偉由廣西右江鎮總兵調任山東登州鎮總兵擢授雲南提督辦理兗曹剿匪事宜擒斬巨匪全境廓清前命會辦江防正資籌畫茲聞溘逝軫惜殊深夏辛酉著照提督軍營病故例從優議恤任內一切處分悉予開復加恩予諡原籍及立功省分建立專祠並將戰功事蹟宣付國史館立傳伊長子候補知州夏繼泉著以知府即用次子夏繼葵著賞給主事以彰勞勩該衙門知道欽此○上諭直隸保定府知府員缺緊要著該署督於通省知府內揀員調補所遺員缺著景瀛補授欽此○上諭直隸天津道員缺著吳篤孫調補永定河道著齊耀琳補授欽此○上諭雲南提督著張勳補授欽此二十六日

上諭四川建昌鎮總兵員缺著田振邦補授欽此○旨黃瑞著調補青州副都統成都副都統著文瑞調補欽此二十七日
上諭馮汝駉奏請將浙江各屬荒廢未種田地山塘蕩灘懇免應徵地漕等項並新墾之田分別徵蠲一摺浙江杭州等

府各屬荒廢未種各田尙未全行墾復若將地漕等項照常徵收民力實有未逮加恩著照所請所有仁和等三十三州縣暨杭嚴衛衛所及嚴所仍荒未種暨沙淤築塘挖掘濠壘冊廢並報墾缺額民屯學籍沙牧各田地山墾蕩濩應徵上年地丁等項正耗錢糧漕白等項著一併全行蠲免其臨安等七縣新墾田畝著分別全蠲半蠲仁和等縣及杭嚴衛杭所民屯田地山蕩草塘著酌徵五成蠲免五成以紓民力餘著照所議辦理該撫卽刊刻謄黃徧行曉諭務使實惠均霑毋任吏胥舞弊用副朝廷軫念民艱之至意該部知道欽此○上諭馮汝驤奏查明兩浙被災場電蕩田及仍難墾復電蕩請將應徵電課錢糧分別蠲免緩徵一摺兩浙鹽場電蕩上年夏間亢旱秋後節被風雨潮蟲以致禾棉壘受重傷若將電課錢糧照常徵收民力實有未逮加恩著照所請所有海沙蘆灘長亭杜瀆四場成災電蕩並海沙場潮患難墾杜瀆場新升復荒浦東場前被災荒難墾各電蕩田地應徵上年電課錢糧均著全行蠲免其勘不成災之海沙等場歉收田地應徵上年電課錢糧一律緩至本年秋後啟徵以紓民困餘著照所議辦理該撫卽刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此 二十八日

上諭外務部右參議著梁如浩補授欽此○上諭江蘇蘇松太道員缺著蔡乃煌補授欽此 二十九日